



## **Gweithdrefn Apelio Myfyrwyr**

|                          |                                                                                                            |
|--------------------------|------------------------------------------------------------------------------------------------------------|
| <b>Dyddiad Cyhoeddi</b>  | <b>Medi 2016</b>                                                                                           |
| <b>Dyddiad Adolygu</b>   | <b>Gorffennaf 2018</b>                                                                                     |
| <b>Awdur</b>             | <b>Kay Morgan<br/>Is-bennaeth Gwasanaethau<br/>Academaidd</b>                                              |
| <b>Lleoliad y Polisi</b> | <b>BIZ-<br/>Sharepoint / Intranet / Policies<br/>&amp; Procedures / Learner<br/>Services &amp; Support</b> |
| <b>Cymeradwywyd gan</b>  | <b>Tîm Rheoli'r Coleg</b>                                                                                  |

## 1. Sail Resymegol

- 1.1 Mae'r weithdrefn apelio ganlynol wedi cael ei llunio i sicrhau bod dysgwyr yn y Coleg yn cael eu trin yn deg.
- 1.2 Mae gan ddysgwyr yr hawl i apelio os ydynt o'r farn:
  - nad yw cwyn wedi cael ei datrys yn foddhaol trwy Weithdrefn Gwyno'r Coleg;
  - nad yw cwyn aflonyddu wedi cael ei datrys yn foddhaol trwy Bolisi Gwrth-fwlio'r Coleg;
  - nad yw'r Coleg wedi dilyn ei Weithdrefn Disgyblu Myfyrwyr a'i Weithdrefn Presenoldeb Myfyrwyr;
  - nad yw penderfyniad asesu wedi cael ei ddatrys yn foddhaol o dan Weithdrefn Asesu'r Coleg;
  - eu bod wedi cael eu trin yn annheg o dan Bolisi Derbyn y Coleg.
- 1.3 Yn achos apêl yn erbyn penderfyniad asesu, gall y dysgwr apelio trwy weithdrefn apelio'r Corff Dyfarnu neu'r Sefydliad Addysg Uwch breinio os yw hynny'n berthnasol (gweler y Polisi Asesu ac Apelio).

## 2. Y Weithdrefn

- 2.1 Rhaid i'r dysgwr gyflwyno ei apêl yn ysgrifenedig i'r Pennaeth o fewn 5 diwrnod gwaith o dderbyn canlyniad y gŵyn gan y panel presenoldeb, cwynion, aflonyddu neu ddisgyblu.
- 2.2 Yn achos Camymddwyn gan Fyfyriwr (nid camymddwyn difrifol) a materion ynglŷn â Derbyn, rhaid i'r dysgwr, a **dim ond** y dysgwr, gyflwyno ei apêl yn ysgrifenedig i'r **Is-bennaeth Gwasanaethau Academaidd** o fewn 5 diwrnod gwaith o gael ei wahardd o'r Coleg. Bydd yr Is-bennaeth yn gwerthuso sail yr apêl ac os nad oes unrhyw sail amlwg ar gyfer yr apêl ac mae'r Coleg wedi dilyn y gweithdrefnau yn gywir, ni elwir Panel Apelio. Cewch eich hysbysu am y canlyniad yn ysgrifenedig o fewn 10 diwrnod gwaith o ddyddiad yr apêl.
- 2.3 Yn achos apelïadau a gyflwynir i'r Pennaeth bydd y Panel Apelio yn cwrdd o fewn 10 diwrnod gwaith yn ystod y tymor ar ôl i'r Coleg dderbyn yr apêl.
- 2.4 Bydd y Panel Apelio yn cynnwys 3 o bobl o dîm rheoli'r Coleg a/neu o Gorff Llywodraethu'r Coleg. Ni fydd aelodau o'r panel yn gysylltiedig â'r achos mewn unrhyw ffordd.
- 2.5 Gall y dysgwr gyflwyno ei achos i'r Panel Apelio, gall ddod â thystion i gefnogi ei achos a gall fod yng nghwmni rhiant, gwarcheidwad neu ffrind.
- 2.6 Os bydd y dysgwr am gyflwyno unrhyw dystiolaeth newydd rhaid ei chyflwyno i'r Coleg 5 diwrnod gwaith cyn i'r apêl gael ei chlywed.

- 2.7 Os na allwch ddod i'r gwrandawriad oherwydd amgylchiadau y tu hwnt i'ch rheolaeth dylech roi gwybod i'r Coleg cyn gynted ag y bo modd. Bydd y Coleg yn gwneud pob ymdrech rhesymol i ad-drefnu unrhyw wrandawriad. Fodd bynnag, os na fyddwch yn hysbysu'r Coleg na allwch ddod, bydd y Panel Apelio yn mynd yn ei flaen yn eich absenoldeb.

### **3. Hawl i Gael Rhywun Gyda Chi**

- 3.1 Mae gennych hawl i ddod â ffrind, gwarcheidwad neu riant i'r apêl. Chi sy'n dewis pwy fydd yn gydymaith i chi a rhaid i chi hysbysu'r Coleg o'ch dewis cyn gwrandawriad yr apêl. Yn achos myfyrwyr agored i niwed fe gynghorir i chi ddod â chydymaith gyda chi. Os nad yw hynny'n bosibl bydd y Coleg yn darparu eiriolwr i'ch cefnogi yn ystod y gwrandawriad. Os yw'r Coleg yn credu bod eich dewis o gydymaith yn afresymol, bydd yn gofyn i chi ddewis rhywun arall. Er enghraifft, os yw'r Coleg o'r farn:
- y gallai'ch cydymaith fod â gwrthdaro buddiannau neu ragfarnu'r cyfarfod.
  - nid yw eich cydymaith ar gael adeg y cyfarfod, os yw dyddiad gwreiddiol y cyfarfod eisoes wedi cael ei ad-drefnu o'r blaen oherwydd nad oedd y cydymaith ar gael.
- 3.2 Yn ystod gwrandawriad apêl, gall eich cydymaith annerch y panel ac ymateb ar eich rhan unrhyw farn a fynegir. Fodd bynnag, mae'r gwrandawriad, yn ei hanfod, yn wrandawriad rhyngoch chi a'r Coleg a dylech chi, ac nid eich cydymaith, ateb unrhyw gwestiynau a ofynnir yn uniongyrchol i chi, oni bai eich bod yn gofyn i'ch cydymaith ateb ar eich rhan.

### **4. Canlyniad**

- 4.1 Gallai canlyniad yr apêl:
- gadarnhau penderfyniad y panel presenoldeb, derbyn, cwynion, aflonyddu neu ddisgyblu neu gadarnhau'r penderfyniad asesu.
  - newid neu wyrddroi penderfyniad y panel presenoldeb, derbyn, aflonyddu neu ddisgyblu neu newid neu wyrddroi'r penderfyniad asesu.
- 4.2 Mae barn y panel apelio yn derfynol ac nid oes hawl i apelio ymhellach. Bydd y Coleg yn ysgrifennu at y dysgwr i'w hysbysu o hyn o fewn 3 diwrnod gwaith yn ystod y tymor o'r gwrandawriad.

## **5. Yr Iaith Gymraeg**

- 5.1 Mae Coleg Gŵyr Abertawe yn ymrwymedig i hyrwyddo'r iaith Gymraeg, yn unol â Safonau'r Iaith Gymraeg a Mesur y Gymraeg (Cymru) 2011.